



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-1-40-628-5/22**

Datum: **07.12.2022. godine**

„Agencija za vodno područje rijeke Save“ Sarajevo, rješavajući po zahtjevu Investitora „Pjeskara“ d.o.o. Dobošnica, Lukavac za izdavanje Rješenja o prethodnoj vodnoj saglasnosti za provođenje detaljnih geoloških istražnih radova u svrhu ispitivanja mineralne sirovine kvarcnog pijeska, na ležištu „Selimovo Brdo“, na zemljištu označenom kao k.č. broj 881/4 K.O. Kruševica, Grad Lukavac a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine kvarcnog pijeska, na osnovu člana 139. stav (1) tačka 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22) donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „Pjeskara“ d.o.o. Dobošnica, Lukavac za provođenje detaljnih geoloških istraživanja i ispitivanja na ležištu „Selimovo Brdo“, na zemljištu označenom kao k.č. broj 881/4 K.O. Kruševica, Grad Lukavac a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine kvarcnog pijeska. Ovaj vodni akt se ne odnosi na aktivnosti eksploatacije mineralne sirovine na predmetnom lokalitetu.
2. Ova prethodna vodna saglasnost daje se za aktivnost provođenja detaljnih geoloških istražnih radova i ispitivanja na zemljištu označenom kao k.č. broj 881/4 K.O. Kruševica, Grad Lukavac koja se ne smatraju građenjem, ali mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti za istražne radove na predmetnom lokalitetu.
3. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
4. Prethodna vodna saglasnost se daje pod slijedećim uslovima:
 - 4.1. Izvođač radova je u obavezi da projektovana istraživanja vrši prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.
 - 4.2. Prije započinjanja radova nosilac prava iz ovog rješenja dužan je riješiti imovinske i pravne odnose sa vlasnikom zemljišta na lokalitetu na kome će se vršiti istraživanja kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica za dionice koje će se koristiti prilikom izvođenja ovih aktivnosti.
 - 4.3. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.
 - 4.4. Ukoliko se na prostoru predmetnog istražnog polja planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.
 - 4.5. Na prostoru istražnog polja nije dozvoljeno servisiranje mehanizacije i vozila.
 - 4.6. Na istražnom polju je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).

- 4.7. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.
- 4.8. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.
- 4.9. Nakon realizacije projektovanih aktivnosti na terenu investitor je u obavezi da izvrši rekultivaciju zemljišta, tj. dovede istražni prostor u prvobitno stanje.
5. Nakon izrade dokumentacije o rezultatima provedenih detaljnih geoloških istražnih radova i ispitivanja mineralne sirovine kvarcnog pijeska, na zemljištu označenom kao k.č. broj 881/4 K.O. Kruševica, Grad Lukavac a u cilju proučavanja istražnog prostora te definisanja kvantitativno-kvalitativnih karakteristika mineralne sirovine, a prije početka eksploatacije mineralnih sirovina na predmetnom lokalitetu, investitor će zatražiti izdavanje prethodne vodne saglasnosti za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije ležišta mineralne sirovine.
6. Zahtjev za izdavanje prethodne vodne saglasnosti dostavlja se u skladu sa članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).
7. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor „Pjeskara“ d.o.o. Dobošnica, Lukavac podnijela je zahtjev za izdavanje Rješenja o prethodnoj vodnoj saglasnosti za provođenje detaljnih geoloških istražnih radova na ležištu „Selimovo Brdo“, na zemljištu označenom kao k.č. broj 881/4 K.O. Kruševica, Grad Lukavac, a u cilju definisanja kvantitativno-kvalitativnih karakteristika mineralne sirovine kvarcnog pijeska. Uz zahtjev je dostavljena sljedeća dokumentacija:

- Rješenje o izmjenama podataka, broj: 032-0-Reg-16-000662 od 07.04.2016. godine izdato od strane Općinskog suda u Tuzli – ovjerena kopija,
- Uvjerjenje o poreznoj registraciji od 23.08.2010. godine izdato od strane Kantonalnog poreznog ureda u Tuzli – ovjerena kopija,
- Mišljenje, broj: 05-19-4962/22 od 11.11.2022. godine izdato od strane Službe za urbanizaciju, imovinske i geodetske poslove Grada Lukavac,
- Kopija katastarskog plana, UR broj: 05-26-1-4223/2022-4 od 08.11.2022. godine izdata izdata od strane Službe za urbanizaciju, imovinske i geodetske poslove Grada Lukavac,
- Zemljišnoknjižni izvadak, katastarska općina SP_Dobošnica, broj: 126-0-NAR-22-003 801 Zemljišnoknjižni uložak broj: 1523 izdat od strane Općinskog suda u Lukavcu,
- Izvod iz Prostornog plana za područje Tuzlanskog kantona, broj: 05-19-4962/22 od 11.11.2022. godine izdat od strane Službe za urbanizaciju, imovinske i geodetske poslove Grada Lukavac,
- Dokaz o uplaćenju federalnoj upravnoj pristojbi na zahtjev,
- Elaborat o planiranim geološkim istražnim radovima na ležištu kvarcnog pijeska „Selimovo Brdo“ Grad Lukavac, urađen od strane „GEA“ d.o.o. Tuzla, novembar 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Zahtjev je u skladu sa odredbama člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20, 63/20), bio oglašen dana 23.11.2022. godine, na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- Geološka istraživanja provest će se u cilju dobivanja općih podataka o geološkom sklopu terena kao i radi dobijanja podataka o položaju, veličini, obliku i strukturi samih ležišta. Tačnije, detaljna istraživanja rudnih tijela su obavezna, a izvode se radi ustanovljavanja količine, kvaliteta, tektonske oštećenosti i uvjeta eksploatacije za površinske kapacitete kao i u toku eksploatacije radi obnavljanja rezervi i ustanovljavanja geomehaničkog i hidrogeološkog stanja u ležištu.

- Planirana detaljna istraživanja kvarcnog pijeska vršit će se kombinacijom geoloških i rudarskih istražnih radova, geodetskih mjerenja tj. geološkim kartiranjem, izradom istražnih raskopa, izradom istražnih okna (šahti), laboratorijskih i tehničko-tehnoloških ispitivanja mineralne sirovine i dr. pratećim aktivnostima.

Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem u skladu sa Zakonom o geološkim istraživanjima Federacije BiH („Sl. novine Federacije BiH“ br. 09/10, 14/10), Pravilnikom o sadržini projekata i elaborata geoloških istraživanja („Sl. list R BiH“ br. 16/93), Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima („Sl. novine F BiH“ br. 85/17).

Istraživanja imaju karakter detaljnih geoloških istraživanja u smislu Zakona o geološkim istraživanjima („Službene novine F BiH“ broj:9/10 i 14/10).

Programirane radove treba da radi istraživačka organizacija koja ima pribavljeno odobrenje od nadležnog Federalnog ministarstva energije, rudarstva i industrije. Nadzor nad izvođenjem radova može vršiti lice koje zadovoljava uslove propisane Zakonom o geološkim istraživanjima.

Na osnovu prednjeg i provedenog postupka, a shodno članu 111. Zakona o vodama, članovima 5. i 17. stav 1. tačka 16. Pravilnika o sadržaju, obliku, uslovima, načinu izdavanja i čuvanja vodnih akata, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 3. i 4. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izvođenja istražnih radova mineralne sirovine kvarcnog pijeska na parceli označenoj kao k.č. broj 881/4 K.O. Kruševica Grad Lukavac.

Podnosilac zahtjeva je izvršio uplatu posebnih troškova koji su nastali u postupku donošenja rješenje o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-1/25-1-40-628-4/22 od 07.12.2022. godine. Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „Pjeskara“ d.o.o. Lukavac
- Donja Dobošnica bb, Lukavac,
- AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava